



Bosna i Hercegovina  
Federacija Bosne i Hercegovine  
Tuzlanski kanton  
**GRAD GRADAČAC**

H.K.Gradašćevića 54, 76 250 Gradačac, telefon /fax: 035/ 369-770 i 369-771 e.mail: [opc.grad@bih.net.ba](mailto:opc.grad@bih.net.ba), [www.gradacac.ba](http://www.gradacac.ba)

## **PRIJEDLOG**

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj: 49/06 i 51/09), i člana 6. stav 1, tačka 2. i 4. Statutarne odluke o organizaciji Grada Gradačac u skladu sa Zakonom o Gradu Gradačac („Službeni glasnik Grada Gradačac“ broj: 01/19) a u vezi sa Odlukom o ustanovljenju Dana šljive („Službeni glasnik Opštine Gradačac“ broj: 8/69) Gradsko vijeće, na \_\_ sjednici održanoj \_\_. \_\_.2022. godine, d o n o s i

## **O D L U K U**

### **o organizaciji 49. Međunarodnog sajma poljoprivrede i prehrambene industrije**

#### **„Sajam šljive“**

#### **Član 1.**

Ovom odlukom utvrđuje se organizacija 49. Međunarodnog sajma poljoprivrede i prehrambene industrije - „Sajam šljive“ (u daljem tekstu: „Sajam šljive“) kao manifestacije od posebnog interesa za grad i razvoj privrede i turizma na području grada Gradačac.

#### **Član 2.**

„Sajam šljive“ je privredno-turistička manifestacija posvećena promociji šljive, razvoju poljoprivrede, prehrambene industrije i turističkih potencijala grada Gradačca.

Sajamske aktivnosti pored promocije i izložbe šljive i ostalih poljoprivrednih proizvoda, prerađevina voća i povrća, poljoprivredne i prerađivačke opreme, obuhvataju i stručno-edukativne radionice, okrugle stolove i kulturno-zabavne sadržaje koji će biti priređivani u dane održavanja sajmske manifestacije „Sajam šljive“.

#### **Član 3.**

„Sajam šljive“ održavat će se tradicionalno posljednje sedmice mjeseca avgusta, u periodu od 24. do 27. avgusta 2022. godine, na lokalitetu sportske dvorane „Skenderija“.

#### **Član 4.**

Programske sadržaje, vrijeme i tačan termin otvaranja i zatvaranja sajma i druge aktivnosti neophodne za realizaciju ove Odluke, uzimajući u obzir epidemiološku situaciju utvrdit će Gradonačelnik u saradnji sa Turističkom zajednicom grada Gradačca.

U svrhu podrške organizaciji sajamskih aktivnosti Gradonačelnik će Rješenjem imenovati Organizacioni odbor sastavljen od uposlenika gradske uprave, turističke zajednice, predstavnika

privrednika, poljoprivrednih proizvođača, javnih preduzeća, javnih ustanova, udruženja i predstavnika drugih subjekata koji mogu doprinijeti uspješnoj realizaciji „Sajma šljive“.

#### **Član 5.**

Za poslove organizacije, pripreme i realizacije sajamskih aktivnosti zadužuje se Turistička zajednica grada Gradačca.

Turistička zajednica grada Gradačca je dužna po okončanju manifestacije „Sajam šljive“ izvijestiti Gradsko vijeće o realizaciji sajamskih aktivnosti.

#### **Član 6.**

Sredstva za realizaciju ove Odluke su predviđena u Budžetu Grada Gradačac.

#### **Član 7.**

Ovom odlukom stavlja se van snage Odluka o organizaciji 49. Međunarodnog sajma poljoprivrede i prehrambene industrije „Dani šljive“, Broj: 01-04-16/22. od 27.01.2022. godine („Službeni glasnik Grada Gradačac“ broj: 1/22).

#### **Član 8.**

Ova Odluka stupa na snagu osmog dana od dana objavljivanja u Službenom glasniku Grada Gradačac.

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD GRADAČAC  
- Gradsko vijeće -**

Gradačac, 2022.

**ZAMJENICA PREDSEDavajućEG  
GRADSKOG VIJEĆA**

Broj: 01-04- /22.

dr.med.spec.epidemiolog Fatima Ibranović Hadžimehić

## OBRAZLOŽENJE:

### Pravni osnov:

Pravni osnov za donošenje Odluke o organizaciji 49. Međunarodnog sajma poljoprivrede i prehrambene industrije „Sajam šljive“ sadržan je u odredbama člana 8. i 13. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06. i 51/09), kojima je propisano da u vlastite nadležnosti jedinice lokalne samouprave posebno spadaju „donošenje programa i planova razvoja jedinice lokalne samouprave i stvaranje uvjeta za privredni razvoj i zapošljavanje“. Također je odredbama člana 6. stav 1, tačka 2. i 4. Statutarne odluke o organizaciji Grada Gradačac u skladu sa Zakonom o Gradu Gradačac („Službeni glasnik Grada Gradačac“ broj: 01/19), propisano da Gradsko vijeće donosi odluke i druge opće akte kojima uređuje pitanja iz samoupravnog djelokruga Grada.

### Razlozi za donošenje:

Ugovorom o prijenosu prava na žig zaključenim dana 25.02.2022. godine u Gradačacu, firma „Gradačački sajam“ d.o.o. za privređivanje sajmova i izložbi Gradačac je Turističkoj zajednici Grada Gradačca prenijela cjelokupna prava na žig odnosno, pravo na individualni žig, upisano u registar žigova kod Instituta za intelektualno vlasništvo BiH, čime je Turistička zajednica grada Gradačca stekla pravo na korištenje naziva i žiga „Sajam šljive“.

S obzirom na prepoznatljivost i dugu tradiciju održavanja sajamske manifestacije pod nazivom „Sajam šljive“ u Bosni i Hercegovini i okruženju, a posebno među samim izlagačima koji su učestvovali na sajmovima tokom predhodnog niza godina, smatramo da je potrebno donijeti ovakvu odluku, kojom bi se ovogodišnji sajam organizovao pod nazivom Međunarodni sajam poljoprivrede i prehrambene industrije „Sajam šljive“.

Imajući u vidu značaj manifestacije sajma za privredne i turističke potencijale grada predlažemo Gradskom vijeću da Prijedlog odluke razmotri i usvoji.

Obrađivač:

Gradska služba za društvene djelatnosti i BIZ

Predlagač:

Gradonačelnik